

Broj: 03-33-151-3/2020  
Sarajevo, 16.03.2020. godine

**UNSKO-SANSKI KANTON**

- Kantonalni štab civilne zaštite

**POSAVSKI KANTON**

- Kantonalni štab civilne zaštite

**TUZLANSKI KANTON**

- Kantonalni štab civilne zaštite

**KANTON SARAJEVO**

- Kantonalni štab civilne zaštite

**BOSANSKO-PODRINJSKI KANTON GORAŽDE**

- Kantonalni štab civilne zaštite

**SREDNJOBOSANSKI KANTON**

- Kantonalni štab civilne zaštite

**ZENIČKO-DOBOJSKI KANTON**

- Kantonalni štab civilne zaštite

**HERCEGOVAČKO-NERETVANSKI KANTON**

- Kantonalni štab civilne zaštite

**ZAPADNOHERCEGOVAČKI KANTON**

- Kantonalni štab civilne zaštite

**KANTON 10**

- Kantonalni štab civilne zaštite

Poštovani,

U prilogu Vam dostavljam Odluku o proglašenju stanja nesreće uzrokovano pojavom koronavirusa (COVID 19) na području Federacije BiH, V. broj: 408/2020 od 16.03.2020. godine, koju je Vlada Federacije Bosne i Hercegovine donijela na 214. sjednici – tematskoj sjednici, održanoj 16.03.2020. godine.

S tim u vezi, potrebno je da Odluku o proglašenju stanja nesreće uzrokovano pojavom koronavirusa (COVID 19) na području Federacije BiH, V. broj: 408/2020 od 16.03.2020. godine, dostavite općinskim/gradskim štabovima civilne zaštite putem Kantonalnog štaba civilne zaštite.

S poštovanjem,



**SECRETAR VLADE**

**mr.sc. Edita Kalajdžić**

Prilog: Kao u tekstu

Na osnovu člana 19. stav (2) Zakona o Vladi Federacije BiH („Službene novine Federacije BiH“, br. 1/94, 8/95, 58/02, 19/03, 2/06 i 8/06), člana 24. tačka 11. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i člana 32. Pravilnika o načinu rada i funkcioniranja štabova i povjerenika civilne zaštite („Službene novine Federacije BiH“, br. 77/06, 5/07 i 32/14), a u vezi nastanka zarazne bolesti uzrokovane koronavirusom (COVID 19) na području Federacije Bosne i Hercegovine, na prijedlog Federalnog štaba civilne zaštite, Vlada Federacije Bosne i Hercegovine, na 214. sjednici – tematskoj sjednici, održanoj 16.03.2020. godine, donosi

**ODLUKU**  
**O PROGLAŠENJU STANJA NESREĆE UZROKOVANO POJAVOM KORONAVIRUSA**  
**(COVID 19) NA PODRUČJU FEDERACIJE BiH**

**I.**

Proglašava se stanje nesreće uzrokovano pojavom koronavirusa (COVID - 19) na području Federacije Bosne i Hercegovine.

**II.**

Radi provođenja mjera zaštite i spašavanja ljudi na ugroženom području, Vlada Federacije Bosne i Hercegovine određuje:

- da se sva federalna ministarstva, uprave i upravne organizacije, pravni subjekti i druge institucije stave na raspolaganje Federalnom štabu civilne zaštite (u daljnjem tekstu: FŠCZ), te da nadležni kantonalni i općinski/gradski štabovi civilne zaštite, takođe stave na raspolaganje sve raspoložive resurse, koji će se prema planovima zaštite i spašavanja ljudi i materijalnih dobara (u daljnjem tekstu: Planovi) koristiti na ugroženim područjima;
- prema Planu zaštite i spašavanja od prirodnih i drugih nesreća u Federaciji BiH (u daljnjem tekstu: Federalni plan), u svim federalnim ministarstvima, upravama i upravnim organizacijama i zavodima odmah uvesti pasivno dežurstvo, radi izvršenja naredbi Federalnog štaba civilne zaštite;
- u skladu sa Federalnim planom i zahtjevima sa ugroženih područja, zadužuje se Federalni štab civilne zaštite da izvrši aktiviranje odgovarajućih federalnih službi zaštite i spašavanja (u daljnjem tekstu: Federalna služba) i federalnih specijaliziranih jedinica civilne zaštite (u daljnjem tekstu: Federalne jedinice), a po potrebi i drugih pravnih subjekata, javnih preduzeća i građana radi pružanja pomoći na ugroženom području.

### III.

Troškovi koji nastanu, angažiranjem Federalnog štaba civilne zaštite, federalnih službi i federalnih jedinica, te dodatnim planskim angažiranjem nedostajućih resursa tokom provođenja akcija zaštite i spašavanja ljudi na ugroženim područjima, pokrit će se iz sredstava posebne naknade za zaštitu od prirodnih i drugih nesreća uz prethodnu saglasnost Vlade Federacije Bosne i Hercegovine, a u skladu sa Odlukom o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća („Službene novine Federacije BiH“, broj: 20/20), Budžeta Federacije Bosne i Hercegovine za 2020. godinu i drugih finansijskih izvora, u skladu sa važećim propisima.

### IV.

Zadužuje se Federalni štab civilne zaštite da u skladu sa Federalnim planom i važećim zakonskim propisima preuzme sve aktivnosti oko koordinacije i rukovođenja akcijama zaštite i spašavanja ljudi na ugroženom području.

### V.

Kada se sagledaju svi resursi općina/grada, kantona i Federacije Bosne i Hercegovine, a na osnovu procjene stanja na ugroženom području, ostvariti kontakte, u skladu sa operativnim procedurama, sa Ministarstvom sigurnosti Bosne i Hercegovine radi traženja pomoći Oružanih snaga Bosne i Hercegovine, te traženja međunarodne pomoći u skladu sa utvrđenim procedurama.

### VI.

Obavezuju se svi rukovodioci organa uprave i upravnih organizacija Federacije i kantona, odnosno rukovodioci općinskih/gradskih službi za upravu i rukovodioci pravnih lica i drugih institucija, da osiguraju provođenje naredbe nadležnih štabova civilne zaštite.

### VII.

Odluka stupa na snagu danom donošenja i ista će se objaviti u „Službenim novinama Federacije BiH“.

Ova odluka će biti objavljena putem printanih i elektronskih sredstava informiranja.

V. broj: 408/2020  
16.03.2020. godine  
Sarajevo



PREMIJER

Fadi Novalić